



**ANDERSON JUNIOR COLLEGE
JC2 PRELIMINARY EXAM 2017
BAHASA DAN KESUSASTERAAAN MELAYU
H2 MLL 9565 PAPER 2**

Tarikh : 13 Sept 2017

Masa : 1 hr

Arahan:

- 1 Kertas peperiksaan ini mengandungi dua sumber dan empat soalan.
- 2 Baca setiap sumber dengan teliti. Kemudian, jawab soalan-soalan yang diberikan dengan menggunakan ayat kamu sendiri.
- 3 Apabila pengawas peperiksaan memberikan isyarat, klik 'Start'.

SUMBER A

Kesatuan dalam kepelbagaian

Oleh Dr Alauddin Sidal bhrencana@bh.com.my

Kesatuan dalam kepelbagaian

Semangat 'camaraderie' atau kebersamaan menjadi antara teras penting meningkatkan kebahagiaan manusia kerana semangat ini membantu menyelesaikan apa juga permasalahan dan perselisihan menerusi perundingan dan toleransi dalam hidup bermasyarakat dan bernegara.

Faktor kebersamaan merupakan antara faktor pendukung kebahagiaan selain faktor kepercayaan, kebaikan dan tadbir urus cemerlang. Dalam laporan Kebahagiaan Dunia 2017 (The World Happiness Report 2017), Norway mengungguli carta teratas.

Semangat kebersamaan ini juga mewujudkan titik keseimbangan dalam perhubungan antara pelbagai golongan dalam masyarakat. Dalam lanskap demografi kita yang semakin rencam dengan kehadiran warga asing, semangat ini menjadi benteng ampuh bagi menghindari ancaman liberalisme, radikalisme dan terorisme.

Bagi mengatasi persaingan sengit global ini, semangat kebersamaan menjadi faktor penyatuan minda dan hati setiap golongan rakyat untuk memacu negara ke arah kejayaan. Maka dalam usaha kita mencapai kesejahteraan dan kebahagiaan, **penyuburan semangat kebersamaan perlu dipergiat lagi.**

SUMBER B

Jangan 'jaga tepi kain orang'.

Oleh Amirah Syazwani Baderol Sham@DS

Sikap begitu yakin bahawa diri dan ahli keluarga masing-masing terlalu sempurna dan tidak memerlukan bantuan orang lain mengakibatkan masyarakat moden gagal mempertahankan konsep kehidupan berjiran. Malah kita diajar jangan 'jaga tepi kain orang agar' tidak dikatakan mencero boh privasi atau menjajikan keburukan orang lain.

Namun, kegagalan membina semangat kejiranan dan sikap kepedulian terhadap satu sama lain ini mengundang pelbagai masalah. Eratnya hubungan kejiranan dan kebertanggungjawaban bersama sebenarnya sangat-sangat dituntut kini. Persekitaran kehidupan kita sekarang bukanlah seaman dan seselamat seperti dahulu. Apabila kita saling peduli, kita menjadi mata dan telinga kepada perlakuan setiap entiti masyarakat.

Senario bagaimana enau dalam belukar melepaskan pucuk masing-masing yang melanda hidup kita menyebabkan semakin terhakisnya sikap kepedulian. Jadi bagaimanakah dapat kita capai visi negara inklusif agar tiada yang ketinggalan dalam usaha memajukan negara? Oleh itu tidak salah 'jaga tepi kain orang', asalkan bertempat dan berpada-pada.

- 1 Berdasarkan Sumber A, nyatakan bagaimanakah semangat kebersamaan menjadi faktor penentu kebahagiaan dalam hidup bermasyarakat dan bernegara?

(4 markah)

- 2 Berdasarkan Sumber B, mengapakah sikap kepedulian dalam masyarakat kita kurang menyerlah kini?

(4 markah)

- 3 Kandungan petikan Sumber A dan Sumber B saling menyokong. Jelaskan.

(7 markah)

- 4 Pada pendapat kamu sejauh manakah **penyuburan semangat kebersamaan dapat kita pergiatkan lagi?**

(Jawapan kamu tidak harus melebihi 160 patah perkataan.)

(15 markah)

SELESAI

Cadangan jawapan:

- 1 Berdasarkan Sumber A, nyatakan bagaimanakah semangat kebersamaan menjadi faktor penentu kebahagiaan dalam hidup bermasyarakat dan bernegara?

(4 markah)

- Semangat kebersamaan menjadi faktor penentu kebahagiaan dalam hidup bermasyarakat kerana semangat ini membantu menyelesaikan apa juga permasalahan dan perselisihan menerusi perundingan dan toleransi dalam hidup bermasyarakat dan bernegara.
- Semangat ini juga mewujudkan titik keseimbangan dalam perhubungan antara pelbagai golongan dalam masyarakat.

- 2 Berdasarkan Sumber B, mengapakah sikap kepedulian dalam masyarakat kita kurang menyerlah kini?

(4 markah)

- sikap kepedulian kurang menyerlah dalam masyarakat kita kerana kita begitu yakin bahawa diri dan ahli keluarga masing-masing terlalu sempurna dan tidak memerlukan bantuan orang lain
- kita tidak mahu dikatakan mencerooboh privasi dan menjajikan keburukan orang lain.

- 3 Kandungan petikan Sumber A dan Sumber B saling menyokong. Jelaskan.

(7 markah)

Semangat kebersamaan menjadi benteng menjaga keselamatan negara/ bahaya tiada semangat kebersamaan

SA – lanskap demografi kita yang semakin rencam dengan kehadiran warga asing, semangat ini menjadi benteng ampuh bagi menghindari ancaman liberalisme, radikalisme dan terorisme.

SB – Apabila kita saling peduli, kita menjadi mata dan telinga kepada perlakuan setiap entiti masyarakat dan amalan ini merupakan benteng menjaga kesejahteraan semua.

Sikap kepedulian membantu memajukan negara

SA- Bagi mengatasi persaingan sengit global ini semangat kebersamaan menjadi faktor penyatuan minda dan hati setiap golongan rakyat untuk memacu negara ke arah kejayaan

SB - kita capai visi negara inklusif agar tiada yang ketinggalan dalam usaha memajukan negara - kepedulian menjadikan negara lebih inklusif

4. Pada pendapat kamu sejauh manakah **penyuburan semangat kebersamaan dapat kita pergiatkan lagi?**
(Jawapan kamu tidak harus melebihi 160 patah perkataan.)

(15 markah)

Dapat dipergiat kerana

- disebabkan populasi kita semakin rencam terutamanya dengan kehadiran warga asing dan juga persekitaran kehidupan kita kini yang diselubungi ancaman, maka pelbagai usaha sedang dan perlu diteruskan utk meningkatkan lagi kesedaran dan kerjasama utuh antara ahli-ahli masyarakat demi menjaga keselamatan dan kesejahteraan negara
- memandangkan memang menjadi visi negara untuk membentuk masyarakat yang inklusif, tentunya memerlukan kerjasama pelbagai golongan untuk sama-sama membantu masyarakat maju. Dengan demikian penyuburan semangat kebersamaan pastinya dapat dipergiatkan lagi
- semangat kebersamaan ini semakin penting dengan keadaan persaingan sengit dalam dunia kini. Dengan adanya kesedaran ini maka tentunya ada pelbagai usaha untuk menyuburkan lagi semangat ini di pelbagai peringkat

Namun, masih sukar kerana

- kita begitu sibuk dan pentingkan diri sendiri – sukar untuk menuntut agar semua orang benar-benar komited mengubah sikap akibat persaingan sengit dalam masyarakat hari ini.